

之以成也

黃茂材曰夫爲道者用心於內不暇顧其外世人不足以知之故雖明道乃以爲昧雖進道乃以爲退雖夷道乃以爲類上德乃以爲谷谷不盈也大白乃以爲辱廣德乃以爲不足建德乃以爲偷質真乃以爲渝求其方則無隅不知其爲大方求其器則晚成不知其爲大器求其音則希聲不知其爲大聲求其像則無形不知其爲大像下士所以每大笑之夫道隱無名知者固少然善貸萬物而不遺全生養命足以成功而有餘未有如道者也

道生一章第四十二

道藏輯要

道德真經
彭鶴林集註

卷

心集七
卅七

道生一一生二二生三三生萬物

御註曰泰初有無無有無名一之所起天一而地二次之水生而火次之精具而神從之天肇一於北地耦二於南人成位於三三才具而萬像分矣號物之數謂之萬自此以往巧歷不能計

碧虛子陳景元曰道者虛之虛者也無之無者也然之然者也混同太無冥寂淵通不可名言者也然而動出變化則謂之渾淪渾淪者一也渾淪一氣未相離散必有神明潛兆於中神明者二也有神有明則有分焉是故清濁和三氣噫然而出各有歸清濁和者三也是以清氣爲天濁氣爲地和

氣爲人三才既具萬物資生故曰三生萬物

涑水司馬光曰道生一自無入有一生二分陰分陽二生三濟以中和

穎濱蘇轍曰夫道非一非二及其與物爲偶而物不一故以一名道然而道則非一也一與一爲二二與一爲三自是以往而萬物生雖有萬不同而莫不負陰抱陽沖氣以爲和蓋物生於三而三生於一理之自然也

陸佃曰道生一一者蓋太極也一生二二者陰陽也二生三者沖氣也有陰有陽而陰陽之中又有沖氣則萬物於是乎生矣

道藏輯要

道德真經
彭鶴林集註

畜

心集七
川卷八

道真仁靜先生曹道沖曰此顯道之始其理至微其言至玄自悟始得不可以言傳而象比故曰太極生陰陽陰陽生萬物

陳象古曰一謂樸之始也二天之體也三地之形也天地既判萬物遂生情欲之繁不能守一矣

葉夢得曰此蓋明道分而爲二雖裂而爲陰陽而一陰一陽亦不離乎道之所一是故道生一而陰陽各得其一惟一乃能爲二故陰陽配而爲二二具而一存乎其間則爲三三散而爲和氣以生萬物則萬物亦得其三之一以抱負乎陰陽是終始未見一物之外乎一也

清源子劉驥曰道生一氣一氣運轉而生陰陽二氣二氣變化而生天地人三才三才既具萬物資生

晦菴朱熹曰道即易之太極一乃陽數之奇二乃陰數之耦三乃奇耦之積其曰二生三者猶所謂二與一爲三也若直以一爲太極則不容復言道生一矣與列子易變而爲一之語正同所謂一者皆形變之始耳不得爲非數之一也

黃茂材曰知其所以常存而不滅者然後可以語長生道生一矣一之中而道常存一生二矣二之中而一常存二生三矣三之中而二常存三生萬物矣而萬之中三常存人與萬物同生者也誠能思之則其所以生我者非三乎所以生三

道藏輯要

道德真經
彭鶴林集註

奎

心集七
八八三

者非二乎所以生二者非一乎所以生一者非道乎故知道者常存而不滅不知道者墮於數數盡而止烏能以長生
林東曰道生一至於三而止即莊子所謂一與一爲二二與一爲三是也物生於三三生於一理之自然者也

萬物負陰而抱陽沖氣以爲和

御註曰陰止而靜萬物負焉君子所以日入而息陽融而亨萬物抱焉聖人所以嚮明而治必有陰陽之中沖氣是已
碧虛子陳景元曰負背也抱向也夫動物則畏死而趨生植物則背寒而向煖物之皮質周包於外皮質陰氣之所結也故曰負陰而骨髓充實於內骨髓陽氣之所聚也故曰抱陽

沖和之氣運行於其間所以成乎形精也夫沖和之氣盛全則形精不虧而生理王也沖和之氣衰散則形精相離而入於死地也

涼火三馬光曰萬物莫不以陰陽爲體以沖氣爲用

臨川王安石曰字說沖氣以天一爲主故從水天地之中也故從中

陸佃曰道家謂之沖氣醫家謂之胃氣故五臟之脉無胃氣則死

道真仁靜先生曹道沖曰形質者有而礙故曰陰神氣虛而靈故曰陽沖氣以爲和形假神而動神托形而用形與神非

道藏輯要

道德真經
彭鶴林集註

素
心集七

沖氣則不能和於內外之用

陳象古曰陰陽道之妙用也負則在外抱則在內沖而用之不失其和也

清源子劉驥曰沖氣者自然中和之氣非陰非陽不離陰陽可以調和陰陽然天下之至柔也是猶孤寡不穀名之至賤而王公自以爲稱

黃茂材曰莊子曰至陰肅肅至陽赫赫肅肅出乎天赫赫發乎地兩者交通成和而物生焉此言天地之陰陽至於萬物之陰陽亦然陽必負陰陰必抱陽陰陽合而沖和之氣生程大昌曰列子曰清輕者上爲天濁重者下爲地沖和氣者

爲人言能虛中以承清濁之會者是其和之得以成體者也
張湛釋之曰陰陽氣徧交會而氣和氣和而人生也此其爲
說是二之交焉而三三之徧焉而萬者也說者并沖爲和則
失之矣

林東曰負陰之靜而屬於背故曰負陰耳鼻目口在前皆陽
動者也故曰抱陽抱則在前也陰陽氣沖合而爲和

人之所惡唯孤寡不穀而王公以爲稱

御註曰物罔隆而不殺事靡盛而不衰陰陽之運事物之理
也消息盈虛與之偕行而不失其和者其惟聖人乎

碧虛子陳景元曰乃所以有王公之貴耳

道藏輯要

道德真經
彭鶴林集註

卷
川口三
心集七

穎濱蘇轍曰世之人不知萬物之所自生莫不賤寡小而貴
眾大然王公之尊自稱孤寡不穀古之達者蓋已知之矣

道真仁靜先生曹道沖曰王公自以爲稱以至尊至高故取
最下最薄而稱之也

黃茂材曰水處人之所惡而幾於道孤寡不穀亦人之所惡
而王公以爲稱道亦有可惡乎所謂在瓦甓而愈甚者也然
亦何惡之有

林東曰人所嫌惡惟孤寡不穀而王公以爲稱且安得而有
抗爭此氣之沖虛合而爲和也

故物或損之而益益之而損

御註曰木落則糞本損之而益故也月盈則必缺益之而損故也

碧虛子陳景元曰夫物有能減損情欲而不自矜伐卑以自牧以謙受益如王公稱孤寡不穀之損故有尊貴之益也若俗物則不然唯好盈滿饜饕富貴而危敗及之

涑水司馬光曰滿招損謙受益皆所以去甚泰就中和

臨川王安石曰天道虧盈而益謙唯其益謙故損者乃所以為益唯其虧盈故益者乃所以為損

人之所教亦我義教之強梁者不得其死吾將以為教父

御註曰以強勝弱以剛勝柔人之所教也我之所教則異乎

道藏輯要

道德真經
彭鶴林集註

卷

心集七
八

此強梁者有我而好爭有死之道智者觀之因以為戒故將以為教父

碧虛子陳景元曰上之強梁者則失羣下之心而覆亡無日矣下之強梁者則為眾所加而顛隕可待矣不得其死謂不得其壽終也老氏觀俗之失道將以為後世法知謙損柔弱者必吉貪暴強梁者必凶書之垂誠以為教父先也本也涑水司馬光曰亦我教之為眾教之父

穎濱蘇轍曰世以柔弱為損強梁為益不知其非也故將使天下之教者皆以此教之曰不見強梁者之不得其死乎強梁妄之極也人知強梁之不免於死則知妄之不可為知妄

之不可爲而後可與語道矣故曰吾將以爲教父
道真仁靜先生曹道冲曰人莫不謂自己之所見爲是而教
人使從亦我須當教人而於義宜然而後教之

黃茂材曰損之而益益之而損人情物理古今皆然當是時
儒墨各自名家其爲道雖不同而其教人未嘗或異至於以
強梁爲戒尤老氏所尚故曰吾將以爲教父雖然其教人者
止於是矣而其妙有不言之旨父不能傳於其子子不能受
之於其父豈可得而教人哉

程大昌曰此謂強梁者不得其死古必嘗有是語而時人已
有師之者矣故引人言以證已教而曰人之所教我亦義教

道藏輯要

道德真經
彭鶴林集註

堯

心集七
小文4

之言不止我之立教獨出於此也既已表發其語而又尊之
以爲教父

林東曰人之所教者亦我以理義論而教之故強梁者去強
梁而免死吾將以爲教父我主其教得以制其子也

天下之至柔章第四十三

天下之至柔馳騁天下之至堅無有入於無間是以知無爲之
有益也

御註曰柔之勝強無之攝有道之妙用實寓於此棄事則形
不勞遺生則精不虧茲所以爲有益

碧虛子陳景元曰至柔者水也至堅者金石也天下者汎舉